

## CONVENIO DE COLABORACIÓN ENTRE O INSTITUTO ENERXÉTICO DE GALICIA (INEGA) E A FUNDACIÓN SEMANA VERDE DE GALICIA PARA A CELEBRACIÓN DA TERCEIRA EDICIÓN DA FEIRA DE ENERXÍA

En Santiago de Compostela, na data da sinatura dixital

### REUNIDOS

Dunha parte, Paula Uría Traba, en nome e representación do Instituto Enerxético de Galicia, en adiante Inega, con domicilio na rúa Avelino Pousa Antelo, nº 5, 15703- Santiago de Compostela, e na súa calidade de director deste, cargo para o que foi nomeada polo Decreto 236/2020 do 23 de novembro, facendo uso das facultades do seu cargo e das que lle foron conferidas en virtude das atribucións que lle confire a Resolución do 10 de marzo de 2017 pola que se delegan competencias atribuídas á persoa titular da Presidencia da axencia Inega (DOG núm. 60, do 27 de marzo).

E doutra, Alfonso Rueda Valenzuela, Vicepresidente Primeiro e Conselleiro de Presidencia, Xustiza e Turismo, actuando en nome e representación da Fundación Semana Verde de Galicia, con NIF G36155208, na súa condición de presidente do Padroado en función da Orde do 9 de xullo de 1991.

Cada un intervén en función do seu cargo, no exercicio das facultades que para convir en nome das entidades que representan teñen conferidas, recoñecéndose mutua e respectiva competencia e capacidade suficiente para formalizar o presente convenio de colaboración.

### EXPOÑEN

**Primeiro.** Que o Inega é unha entidade instrumental do sector público autonómico con personalidade xurídica e patrimonio de seu para o cumprimento dos seus fins que se constitúe en Axencia por Decreto 142/2016, do 22 de setembro, mantendo a súa adscrición a Consellería competente en materia de enerxía, conforme ao establecido na Lei 3/1999, do 11 de marzo e entre os seus fins están "o fomento, impulso e realización de iniciativas e programas de actuación para a investigación, o estudo e o apoio das actuacións de coñecemento, desenvolvemento e aplicación das tecnoloxías enerxéticas, incluídas as renovables, a mellora do aforro e a eficiencia enerxética, o fomento do uso racional das enerxías e, en xeral, a óptima xestión dos recursos enerxéticos dos distintos sectores económicos de Galicia, así como a participación na xestión e prestación, se é o caso, de servizos noutros campos sinérxicos ao enerxético, de acordo coas directrices do goberno no ámbito das súas competencias".



Que para o exercicio axeitado das súas funcións, o Inega pode establecer convenios e contratos con institucións públicas ou privadas, así como colaborar con outras Administracións para favorecer a adopción de medidas de aforro, de racionalización na produción, distribución e subministración de enerxía (art. 5 da Lei 3/1999).

**Segundo.** A Fundación Semana Verde de Galicia é unha institución sen fin de lucro creada no 1991, declarada de interese galego. A Fundación ten entre os seus fins:

1. Contribuír ao desenvolvemento do sector agrario galego, a través de actividades feirais e de mercados agropecuarios.
2. Promover a cooperación público-privada no desenvolvemento de actividades feirais e promocionais no campo agrario, alimentario, industrial e comercial co obxecto de impulsar o avance continuo dos devanditos sectores.
3. Reforzar a posición estratéxica de Galicia como plataforma feiral para o desenvolvemento de grandes eventos sectoriais de ámbito estatal e internacional.

**Terceiro.** Que o Inega participa neste convenio porque considera accións necesarias para acadar obxectivos de política enerxética, a divulgación de coñecementos e de técnicas de xestión de enerxías renovables e sostible e a actualización técnica dos consumidores finais de Galicia.

Co presente convenio búscase desembocar nun mellor coñecemento dos sectores enerxéticos galegos, destacando os relacionados coa eficiencia enerxética e as enerxías renovables: (principalmente: eólica, solar, aerotermia, xeotermia, hidráulica, e gases de orixe renovable), así como o potencial do autoconsumo enerxético, para que se acade a maior repercusión posible.

**Cuarto.** Que a explotación e o aproveitamento dos recursos son parte esencial do sector enerxético galego e que reiteradas demandas dende o mesmo reclaman a organización dunha terceira edición do Salón profesional centrado neste aspecto, tralos éxitos acadados nas edicións anteriores. A Terceira Edición da Feira de Enerxía, será novamente un Salón dirixido a profesionais e consumidores nun escenario singular, unha exposición dinámica no recinto feiral.

**Quinto.** Como un dos órganos encargados de desenvolver a política enerxética da Vicepresidencia Segunda e Consellería de Economía, Empresa e Innovación da Xunta de Galicia, o Inega considera de máximo interese potenciar as actuación de promoción, divulgación e potenciación dos principais sectores enerxéticos que acaden a maior repercusión posible entre o sector empresarial, profesional e a poboación galega.



Debido a especificidade e singularidade das actuacións que se van desenvolver e a dificultade para atopar un escenario acorde, singular e dinámico para a celebración da terceira edición da Feira da Enerxía, o Inega considera necesario contar coa Fundación Semana Verde de Galicia para poder levar a cabo a celebración destas actuacións.

**Sexto.** O Inega e a Fundación Semana Verde de Galicia queren que o presente proxecto acade a maior repercusión posible entre o sector empresarial, profesional e a poboación galega, provocando un efecto positivo de arrastre cara os sectores enerxéticos.

Ambas as dúas partes acordan asinar o presente convenio de colaboración de acordo coas seguintes:

## CLÁUSULAS

### PRIMEIRA. OBXECTO

O obxecto deste convenio é regular as condicións da colaboración conxunta entre o Inega e a Fundación Semana Verde de Galicia encamiñadas a organización no vindeiro ano 2022 da terceira edición da feira de carácter monográfico de enerxía que ten por obxectivo a promoción e potenciación dos principais sectores enerxéticos:

- A eficiencia enerxética
- As enerxías renovables: eólica, solar, aerotérmica, xeotérmica, hidráulica e gases renovables
- Autoconsumo enerxético

Para cumprir este obxectivo, a feira marcará as seguintes liñas de actuación:

1. Ser punto de encontro e referencia profesional para o sector enerxético galego.
2. Consolidación como feira monográfica no ámbito xeográfico do Suroeste da Unión Europea.
3. Promocionar a estrutura empresarial e produtiva do sector enerxético galego.
4. Fomentar unha conciencia social a favor do medio ambiente e os seus recursos sostibles.
5. Promover as boas prácticas no uso da enerxía.

### SEGUNDA. COMPROMISOS DA FUNDACIÓN SEMANA VERDE DE GALICIA:

1. Campaña de promoción en medios xeralistas e especializados, marketing directo, publicidade en medios tradicionais y dixitais, etc.



2. Programa de captación de visitantes profesionais de interese (prescriptores, representantes empresariais nacionais e internacionais, misións inversas de profesionais do sector, autoridades e delegacións invitadas) - incluíndo asistencia técnica, traslados, aloxamento, manutención, persoal de apoio.
3. Programa formativo (foro ou congreso do sector) - inclúe montaxe do espazo, servizos técnicos e audiovisuais, invitación ponentes, etc.).
4. Montaxe da zona expositiva, con vixilancia e seguridade, servizo de limpeza.
6. Dixitalización do proceso de inscricións e acceso, adaptacións COVID, medios audiovisuais, persoal de apoio, sinalética, restauración.
- 7.- Stand de diseño – D.X. Planificación Enerxética e Recursos Naturais / Inega.
- 8.- Achegar un máximo de vinte e seis mil euros (26.000,00 €), IVE incluído, para o desenvolvemento destas actuacións.

### **TERCEIRA. COMPROMISOS DO INEGA**

1. Facilitar o asesoramento e apoio técnico que sexa necesario para elaboración dos contidos divulgativos e formativos do programa da feira da enerxía.
2. Facilitar información sobre as empresas relacionadas co sector, que sirva de referencia para efectuar as convocatorias, invitacións, campañas de difusión e outras actuacións implícitas na organización da feira.
3. Colaborar na organización e confección do calendario da feira e actividades programadas.
4. Participar na feira e incluso noutras feiras vinculadas co sector, para dar difusión das enerxías renovables e sostibles e promocionar e divulgar as súas actuacións e as súas liñas de acción.
4. Difundir na súa páxina web toda a información sobre a terceira edición da feira da enerxía.
5. Efectuar un axeitado seguimento da feira da enerxía, e no seu caso comprobacións e controis en colaboración coa entidade organizadora.
6. Achegar un máximo de oitenta mil euros (80.000,00 €), IVE incluído, para o desenvolvemento destas actuacións.

### **CUARTA. DISPOÑIBILIDADE ORZAMENTARIA**

Nos orzamentos do Inega para as anualidades 2021-2022 existe dispoñibilidade económica axeitada e suficiente para facer fronte ao acordo económico establecido neste convenio, con cargo a conta contable 06.A3.733A.641.1.



#### QUINTA. CONTÍA DA ACHEGA

Para a consecución dos fins que se expoñen no presente convenio imputaranse aos orzamentos do Inega, oitenta mil euros (80.000,00 €), co seguinte reparto por anualidades:

ANUALIDADE	IMPORTE ACHEGA INEGA(IVE incluído)	IMPORTE ACHEGA SEMANA VERDE (IVE incluído)
2021	10.000,00 €	3.000,00 €
2022	70.000,00 €	23.000,00 €
TOTALES	80.000,00 €	26.000,00 €

#### SEXTA. XUSTIFICACIÓN E PAGAMENTO

A achega feita polo Inega traspasarase a Fundación Semana Verde de Galicia en dous pagamentos a realizar do seguinte xeito:

1. Un primeiro pagamento, previa presentación pola Fundación Semana Verde de Galicia antes do 30 de novembro de 2021, dun informe técnico no que se describan as actuacións realizadas e que se describen no anexo I do convenio, documentos, informes e publicacións elaboradas ao abeiro deste convenio

2. Un segundo pagamento, previa presentación pola Fundación Semana Verde de Galicia, antes do 30 de xuño de 2022, dun informe técnico final de todas as actuacións que se describen no anexo I do convenio, documentos, informes e publicacións elaborados ao abeiro deste convenio.

Acompañarase en formato electrónico dito informe así como a campaña de comunicación a cal se fai referencia na cláusula segunda deste convenio.

3. A Fundación Semana Verde de Galicia achegará tamén xunto co Informe correspondente para cada pagamento, o seguinte:

a) Unha certificación expedida pola entidade bancaria de titularidade da conta bancaria da Fundación onde debe realizarse o pagamento na que conste: IBAN, ordinal bancario, código do banco, código de sucursal e código de conta corrente.

b) Unha memoria xustificativa do custo das actividades realizadas acompañadas das facturas e dos xustificantes de pagamento correspondentes.



c) Unha declaración responsable de estar ao día no cumprimento das obrigas tributarias ou fronte a Seguridade Social e de non ter pendente de pagamento ningunha outra débeda coa Administración pública da comunidade autónoma.

Unha vez presentada esta documentación realizarase o pagamento do importe da achega correspondente a cada anualidade, logo da emisión do correspondente informe de conformidade dos servizos técnicos do Inega.

#### **SÉTIMA. VIXENCIA**

O presente convenio entrará en vigor ao día seguinte ao da súa sinatura e terá vixencia ata o 31 de xullo de 2022.

#### **OITAVA. EQUIPO DE TRABAJO**

A subscrición do convenio non supón relación laboral contractual ou de calquera outro tipo entre os profesionais e os empregados da Fundación Semana Verde de Galicia que desenvolvan as actividades programadas e o Inega, de tal xeito que non se poderá esixir ao Inega responsabilidade ningunha, nin directa nin subsidiariamente, polos actos ou feitos acaecidos no desenvolvemento do convenio.

#### **NOVENA. SUBCONTRATACIÓN**

Permítese a subcontratación da totalidade dos traballos recollidos no presente convenio, sempre que se cumpran os requisitos esixidos polo lexislación de contratos das administracións públicas.

#### **DÉCIMA. COMISIÓN DE SEGUIMIENTO**

Ao obxecto de verificar o correcto desenvolvemento do presente convenio , constituirase, de común acordo entre as partes, unha comisión de seguimento e control formada por un representante de cada unha das partes asinantes que terá como misión:

- Velar pola correcta aplicación e desenvolvemento do convenio.
- Informar e presentar propostas sobre a marcha das actuacións proxectadas.

#### **DÉCIMO PRIMEIRA. CAUSAS DE RESOLUCIÓN**

Son causas de resolución do presente convenio:

- Transcurso do prazo de vixencia establecido sen que se leve a cabo o obxecto do mesmo.
- Mutuo acordo entre as partes.



- A imposibilidade sobrevida para o cumprimento dos termos do presente acordo.
- A denuncia de calquera das partes formulada por escrito con quince días de antelación.
- incumprimento total ou parcial dalgunha das súas cláusulas.

#### **DÉCIMO SEGUNDA. PROTECCIÓN DE DATOS**

As partes están obrigadas a cumprir coas normas sobre a protección de datos de carácter persoal, en concreto, co disposto na Lei Orgánica 3/2018, de 5 de decembro, de Protección de datos persoais e garantía dos dereitos dixitais, e Regulamento (UE) 2016/679 do Parlamento Europeo e do Consello de 27 de abril de 2016 relativo á protección das persoas físicas no que respecta ao tratamento de datos persoais e á libre circulación destes datos, e polo que se derroga a Directiva 95/45/CE.

#### **DÉCIMO TERCEIRA. PUBLICIDADE DOS DATOS RELEVANTES DO CONVENIO**

Os asinantes manifiestan o seu consentimento ou autorización para que os seus datos persoais que constan no presente convenio e mailo resto das especificacións contidas no mesmo, podan ser publicados no Portal de Transparencia e Goberno Aberto.

#### **DECIMO CUARTA. NATURALEZA E RESOLUCIÓN DE CONFLICTOS**

O presente convenio ten natureza administrativa, quedando fora do ámbito de aplicación da Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014; sen prexuízo da aplicación dos principios e criterios da devandita Lei para resolver as dúbidas ou lagoas que puidesen presentar.

O presente convenio rexerese polas súas cláusulas e polo Acordo do Consello da Xunta do 27 de marzo de 1991, publicado por Resolución da Consellería de Economía e Facenda do 8 de abril de 1991, sobre convenios de colaboración con outros entes públicos e con particulares; polas disposicións que en materia de convenios se recollen na Lei 1/2016, do 18 de xaneiro, de transparencia e bo goberno.

E en proba de conformidade, asínase o presente convenio de colaboración, en duplicado exemplar, no lugar e data indicado ao comezo.

A Directora  
Instituto Enerxético de Galicia  
Paula Uría Traba

O Presidente do Padroado da  
Fundación Semana Verde de Galicia  
Alfonso Rueda Valenzuela



**ANEXO I**
**ORZAMENTO XERAL DE GASTOS DA "TERCEIRA FEIRA DE ENERXÍA"**

ACTUACIÓNS CONVENIO DE COLABORACIÓN TERCEIRA EDICIÓN DA FEIRA DA ENERXÍA	INEGA	FUNDACIÓN SEMANA VERDE DE GALICIA	INEGA	FUNDACIÓN SEMANA VERDE DE GALICIA
	2021		2022	
Campaña de promoción en medios xeralistas e especializados, marketing directo, publicidade en medios tradicionais e dixitais, etc.	6.000 €	2.000 €	18.000 €	4.000 €
Programa de captación de visitantes profesionais de interese (prescriptores, representantes empresariais nacionais e internacionais, misións inversas de profesionais do sector, autoridades e delegacións invitadas) - incluíndo asistencia técnica, traslados, aloxamento, manutención, persoal de apoio...			7.000 €	2.000 €
Programa formativo (foro ou congreso do sector) - inclúe montaxe do espazo, servizos técnicos e audiovisuais, invitación ponentes, etc.)			10.000 €	2.000 €
Montaxe de la zona expositiva			22.000 €	9.000 €
Vixilancia e seguridade			1.500 €	1.500 €
Servicio de limpeza			1.000 €	1.000 €
Melloras servizos da feira dirixidos a expositores e visitantes: dixitalización proceso de inscricións e acceso, adaptacións COVID, medios audiovisuais, persoal de apoio, sinalética, restauración...	4.000 €	1.000 €	3.000 €	1.000 €
Stand de deseño - D.X. PLANIFICACIÓN ENERXÉTICA E RECURSOS NATURAIS / INEGA			7.500 €	2.500 €
	<b>10.000 €</b>	<b>3.000 €</b>	<b>70.000 €</b>	<b>23.000 €</b>
<b>TOTAIS</b>	<b>13.000 €</b>		<b>93.000 €</b>	

